



Presupuesto di subsidio adishonal pa konmemorashon di aña di sklabitut

Via Mondriaan Fonds i Fonds voor Cultuurparticipatie gabinete ta pone a lo ménos 4 mion euro adishonal disponibel pa fasilitá aktivitatnan kultural, sosial i edukativo di komunidad pa e implementashon di e Aña di Konmemorashon Pasado di Sklabitut ('23-'24). Esaki minister Dijkgraaf (OCW) a duna di konosé djabièrnè 2 di yùni durante e simposio NiNsee na Utrecht. E montante ta bini riba e 2 mion euro ku a primintí anteriormente, ku ta pone total 6 mion euro disponibel (3 mion pa Mondriaan Fonds, 3 mion pa Fonds voor Cultuurparticipatie).

Den e promé ròndu di petishon di e areglo di subsidio Aña pa Konmemorashon di Pasado di Sklabitut Mondriaan Fonds a risibí mas ku 150 petishon. Tur petishonnan ku a keda evaluá positivamente den e promé ròndu a surpasá e presupuesto disponibel (500.000 euro). Pa e motibu akí e ministerio di Enseñansa, Kultura i Siensia (OCW) a disidí pa otorgá presupuesto adishonal. Ku e finansiamentu adishonal ainda por otorgá 1 mion na proyektonan di e promé ròndu. Pa e di dos ròndu e presupuesto aktual di 500.000 euro lo wòrdu oumentá ku 1 mion. Awor aki ta tratando e di dos ròndu di petishon.

Un kantidat di petishonarianan ku a keda evaluá positivamente den e promé ròndu, pero ku no por a haña otorgamentu pa motibu di muchu tiki presupuesto, ta bini na remarke pa e sèn adishonal akí. Lo informá e kandidatnan akí mas pronto ku ta posibel. Petishonarianan di e promé ròndu ku no a keda informá, no a bini na remarke pa otorgamentu den e presupuesto adishonal. [Akí](#) bo por haña e proyektonan ku a keda honrá kaba.

E aktivitatnan lo tuma lugá durante e Aña pa Konmemorashon ku ta kana di 1 di yùli 2023 te ku 1 di yùli 2024. Diversidat, distribushon den region i un repartishon balansá entre diferente sorto di proyektonan ta hunga un ròl den e evaluashon. Perspektivanan di tur diferente gruponan i komunidadnan, ku ta forma parti di e pasado na kual te ku awor a duna tiki atenshon i ku ke konmemorá sklabitut den e Reino hulandes di e tempu ei i e periodo di trabou bou di kontrakt, ta para sentral.

No por hasi petishon mas pa e areglo serka Mondriaan Fonds. Sí por hasi petishon ainda serka [Fonds voor Cultuurparticipatie](#).